

ÁKVÖRÐUN FRAMKVÆMDASTJÓRNARINNAR (ESB) 2017/126

2017/EES/67/09

frá 24. janúar 2017

um breytingu á ákvörðun 2013/448/ESB að því er varðar að fastsetja samræmdan leiðréttingarstuðul sem liggur þvert á atvinnugreinar í samræmi við 10. gr. a í tilskipun Evrópuþingsins og ráðsins 2003/87/EB (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2003/87/EB frá 13. október 2003 um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB ⁽¹⁾, einkum 5. mgr. 10. gr. a,

með hliðsjón af ákvörðun framkvæmdastjórnarinnar 2011/278/ESB frá 27. apríl 2011 um umbreytingarreglur á vettvangi Sambandsins um samræmda úthlutun losunarheimilda án endurgjalds skv. 10. gr. a í tilskipun Evrópuþingsins og ráðsins 2003/87/EB ⁽²⁾, einkum 3. mgr. 15. gr.,

og að teknu tilliti til eftirfarandi:

- 1) Í 5. mgr. 10. gr. a í tilskipun 2003/87/EB er settur fram árlegur hámarksfjöldi losunarheimilda sem er grundvöllurinn til útreiknings á úthlutunum án endurgjalds til stöðva sem ekki falla undir 3. mgr. 10. gr. a í tilskipun 2003/87/EB. Þessi fjöldi er summa tveggja þátta sem er lýst í a- og b-lið 5. mgr. 10. gr. a í tilskipun 2003/87/EB.
- 2) Í því skyni að tryggja að ekki sé farið yfir þennan árlega hámarksfjölda losunarheimilda er notaður leiðréttingarstuðull sem liggur þvert á atvinnugreinar, ef nauðsyn krefur, sem á samræmdan hátt dregur úr úthlutunum til allra stöðva sem eru hæfar til að fá losunarheimildir án endurgjalds.
- 3) Í samræmi við 3. mgr. 15. gr. ákvörðunar 2011/278/ESB ákvarðar framkvæmdastjórnin leiðréttingarstuðulinn sem liggur þvert á atvinnugreinar með því að bera saman mörkin sem sett eru í 5. mgr. 10. gr. a í tilskipun 2003/87/EB og summuna á árlegum bráðabirgðaheildarfjölda losunarheimilda án endurgjalds til allra stöðva sem falla undir tilskipun 2003/87/EB á yfirráðasvæði aðildarríkja.
- 4) Framkvæmdastjórnin ákvarðaði í ákvörðun 2013/448/ESB ⁽³⁾ samræmdan leiðréttingarstuðul sem liggur þvert á atvinnugreinar og er hann tilgreindur í 4. gr. og II. viðauka við þá ákvörðun.
- 5) Í dómi sínum frá 28. apríl 2016 varðandi sameiginlegu málin C-191/14, C-192/14, C-295/14, C-389/14 og C-391/14 til C-393/14 komst Evrópudómstóllinn að þeirri niðurstöðu að framkvæmdastjórnin, þegar hún fastsetti árlegan hámarksfjölda losunarheimilda í samræmi við b-lið 5. mgr. 10. gr. a í tilskipun 2003/87/EB, hefði ekki átt að taka með losun frá þeirri starfsemi sem tilgreind er í I. viðauka við tilskipun 2003/87/EB frá og með árinu 2013 að því marki sem sú losun kom frá stöðvum sem féllu undir viðskiptakerfið fyrir losunarheimildir fyrir þann tíma. Af þeim sökum komst Dómstóllinn að þeirri niðurstöðu að framkvæmdastjórnin ákvarðaði ekki árlegan hámarksfjölda losunarheimilda í samræmi við kröfurnar í b-lið 5. mgr. 10. gr. a í tilskipun 2003/87/EB og að samræmdi leiðréttingarstuðullinn sem liggur þvert á atvinnugreinar, sem mælt er fyrir um í 4. gr. og II. viðauka við ákvörðun 2013/448/ESB, bryti líka í bága við það ákvæði. Dómstóllinn ógilti því 4. gr. og II. viðauka við ákvörðun 2013/448/ESB.
- 6) Í því skyni að framfylgja þessum dómi er framkvæmdastjórninni gert skylt að endurreikna árlegan hámarksfjölda losunarheimilda til stöðva sem eru hæfar til að fá úthlutun án endurgjalds að því er varðar kröfurnar í b-lið 5. mgr. 10. gr. a í tilskipun 2003/87/EB og í kjölfarið ætti að breyta samræmda leiðréttingarstuðlinum sem liggur þvert á atvinnugreinar til samræmis við það.

(*) Þessi ESB-gerð birtist í Stjttð. ESB L 19, 25.1.2017, bls. 93. Hennar var getið í ákvörðun sameiginlegu EES-nefndarinnar nr. 110/2017 frá 7. júní 2017 um breytingu á XX. viðauka (Umhverfismál) við EES-samninginn, biður birtingar.

⁽¹⁾ Stjttð. ESB L 275, 25.10.2003, bls. 32.

⁽²⁾ Stjttð. ESB L 130, 17.5.2011, bls. 1.

⁽³⁾ Ákvörðun framkvæmdastjórnarinnar 2013/448/ESB frá 5. september 2013 um framkvæmdarráðstafanir á landsvísu varðandi úthlutun heimilda til losunar gróðurhúsalofttegunda án endurgjalds á umbreytingatímabili í samræmi við 3. mgr. 11. gr. tilskipunar Evrópuþingsins og ráðsins 2003/87/EB (Stjttð. ESB L 240, 7.9.2013, bls. 27).

- 7) Endurútreikningur á fjölda losunarheimilda, sem um getur í b-lið 5. mgr. 10. gr. a í tilskipun 2003/87/EB, var gerður í samræmi við sömu aðferðafræði og með sömu gögnum og upphaflegi útreikningurinn árið 2013. Framkvæmdastjórnin hafði upphaflega tekið með losun frá stöðvum, sem féllu undir viðskiptakerfi ESB fyrir losunarheimildir fyrir 1. janúar 2013, vegna starfsemi sem er tilgreind í I. viðauka við tilskipun 2003/87/EB einungis frá og með árinu 2013 og varð að fjarlægja þessa losun, í samræmi við dóm Dómstólsins, úr útreikningum á árlegum hámarksfjölda losunarheimilda eins og skilgreint er í 5. mgr. 10. gr. a í tilskipun 2003/87/EB.
- 8) Framkvæmdastjórnin notaði upphaflegar, opinberar framlagningar frá aðildarríkjum sem upphafspunkt. Framkvæmdastjórnin hafði síðan samráð við aðildarríki varðandi framlagningu þeirra á gögnum um losun og fór fram á nánari viðbótarútlitastær, ef nauðsyn krafði. Í samræmi við 5. mgr. 10. gr. a voru einungis þær stöðvar teknar með sem aðildarríkin höfðu lagt fram sannprófaða losun fyrir.
- 9) Framkvæmdastjórnin fjarlægði síðan stöðvar úr útreikningnum sem stunduðu starfsemi sem féll undir tilskipun 2003/87/EB einungis frá og með árinu 2013 en voru þegar hluti af viðskiptakerfinu fyrir losunarheimildir fyrir 2013. Losun frá stöðvum, sem aðildarríki töldu með í samræmi við 24. gr. tilskipunar 2003/87/EB, á árunum fyrir 2013 var einnig fjarlægð.
- 10) Stöðvar sem urðu fyrir áhrifum á tímabilinu milli upphaflegrar gagnaöflunar og ársins 2013, annaðhvort vegna skipulagsbreytinga, t.d. samruna, uppskiptingar eða lokunar, eða tæknilegra breytinga þannig að þær uppfylla ekki lengur viðeigandi viðmiðunarmörk, sem sett eru fram í I. viðauka við tilskipun 2003/87/EB, voru enn teknar með í endurútreikningnum þar sem ekki var unnt að sjá þessar breytingar fyrir þegar gagnaöflunin fór fram. Stöðvar, sem voru útilokaðar frá kerfinu skv. 27. gr. tilskipunar 2003/87/EB, voru einnig teknar með í endurútreikningnum af sömu ástæðu.
- 11) Breytingar til að leiðrétta mistök í landsbundnum framkvæmdarráðstöfunum aðildarríkja fyrir tímabilið 2013 til 2020 og sem var hrundið í framkvæmd fyrir lok 2016 voru teknar með í endurútreikningnum þar sem rétt gildi hefðu átt að vera fyrir hendi þegar upprunalegi útreikningurinn á leiðréttingarstuðlinum, sem liggur þvert á atvinnugreinar, fór fram.
- 12) Með dómi sínum frá 28. apríl 2016 takmarkaði Dómstóllinn gagnert tímabundin áhrif af yfirlýsingu um ógildingu 4. gr. og II. viðauka við ákvörðun 2013/448/ESB þannig að dómurinn, fyrir það fyrsta, hafi ekki áhrif fyrr en 10 mánuðum eftir dagsetningu dómsins. Leiðréttingarstuðullinn sem liggur þvert á atvinnugreinar sem mælt er fyrir um í ákvörðun 2013/448/ESB er því ógildur frá og með 1. mars 2017. Í öðru lagi má ekki draga í efa ráðstafanir sem voru samþykktar fram að þeim degi á grundvelli ógildu ákvæðanna.
- 13) Í samræmi við dóm Dómstólsins, þar sem lögð er áhersla á brýn sjónarmið sem varða réttarvissu, gilda ráðstafanir aðildarríkjanna áfram að því er varðar úthlutun losunarheimilda fyrir tímabilið 2013–2020 og allar síðari breytingar og viðbætur við þær þar til að þessi ákvörðun tekur gildi. Leiðréttingarstuðullinn sem liggur þvert á atvinnugreinar og er ákvarðaður í þessari ákvörðun skal notaður í ákvörðunum, sem eru samþykktar frá og með 1. mars 2017 til að fastsetja eða breyta úthlutunarréttindum, þar sem leiðréttingarstuðullinn sem liggur þvert á atvinnugreinar er notaður til að fastsetja fyrrgreind réttindi.

SAMÞYKKT ÁKVÖRDUN ÞESSA:

I. gr.

Ákvörðun 2013/448/ESB er breytt sem hér segir:

1. í stað 4. gr. komi eftirfarandi:

„4. gr.

Samræmdu leiðréttingarstuðullinn sem liggur þvert á atvinnugreinar, sem um getur í 5. mgr. 10. gr. a í tilskipun 2003/87/EB og er ákvarðaður í samræmi við 3. mgr. 15. gr. í ákvörðun 2011/278/ESB, er settur fram í II. viðauka við þessa ákvörðun.“

2. Í stað II. viðauka komi texti viðaukans við þessa ákvörðun.

2. gr.

Ákvörðun þessi öðlast gildi 1. mars 2017.

Gjört í Brussel 24. janúar 2017.

Fyrir hönd framkvæmdastjórnarinnar,

Jean-Claude JUNCKER

forseti.

—————
VIÐAUKI

Í stað II. viðauka við ákvörðun 2013/448/ESB komi eftirfarandi:

„II. VIÐAUKI

Gildi leiðréttingarstuðulsins, sem liggur þvert á atvinnugreinar, sem eiga við um úthlutanir án endurgjalds til stöðva sem falla ekki undir 3. mgr. 10. gr. a í tilskipun 2003/87/EB fyrir árin 2013–2020, eru eftirfarandi:

Ár	Leiðréttingarstuðull sem liggur þvert á atvinnugreinar
2013	89,207101%
2014	87,657727%
2015	86,090119%
2016	84,506152%
2017	82,905108%
2018	81,288476%
2019	79,651677%
2020	78,009186%“